

Чақимчилик



16:08 / 12.03.2019 3905

Аллоҳ таоло марҳамат қилади:

«(“Эй Мұхаммад), яна сиз ҳар бир тубан қасамхүр, ғийбатчи-ю, ғап ташувчи (чақимчи) кимсага итоат этманг!» (Қалам сураси, 10-11-оятлар).

Расулуллоҳ соллаллоҳу алайҳи васаллам айтганлар: «**Чақимчи жаннатга кирмайды**» (Муттафақун алайҳ).

Яна бир ҳадисда айтилишича, Расулуллоҳ соллаллоҳу алайҳи васаллам икки қабр ёнидан ўтаётіб: «**Бу иккиси** (яъни, қабрдаги майиитлар) **азобланмоқда. Бироқ катта нарса сабабли азобланаётганлари йўқ.** Улардан бири сийдигидан сақланмас эди. Иккинчisi чақимчилик қилиб, ғап ташиб юрарди», дедилар. Сўнг ҳўл новдани олиб, иккига бўлдилар ва ҳар бир қабрга биттадан бўлакни саншиб қўйдилар. «**Ей Расулуллоҳ, нима учун бундай қилдингиз?**» деб сўрашганида, у зот соллаллоҳу алайҳи васаллам: «**Шояд бу новдалар қуригунича, улардан азоб енгиллатиб турилса**», дея жавоб бердилар». (Муттафақун алайҳ).

«Бироқ катта нарса сабабли азобланаётганлари йўқ» жумласини қўйидагича тушуниш мумкин: бу ишларни тарк этиш улар учун жуда қийин эмас эди ёки уларнинг назарида жуда қийин эмас эди. Шунинг учун бошқа бир ривоятда: «**Йўқ, у катта гуноҳдир**», дейилган.

Абу Ҳурайра розияллоху анҳудан ривоят қилинади:

«Расулуллоҳ соллаллоҳу алайҳи васаллам айтдилар: «Энг ёмон инсонлар - уларга бу юзи билан, буларга бу юзи билан борадиган икки юзламачи кимсалар эканини кўрасизлар».

(Муттафақун алайҳ).

Расулуллоҳ соллаллоҳу алайҳи васаллам айтдилар: «Кимнинг бу дунёда иккита юзи бўлса, қиёмат кунида унинг оловдан иккита тили бўлади» (Абу Довуд ривояти).

Ривоят қилишларича, ким иккита тилли бўлса, Аллоҳ қиёмат кунида унга оловдан иккита тил қилиб беради.

«Иккита тилли» дегани, бир тоифа одамлар билан ўзгача, бошқа тоифа одамлар билан ўзгача гаплашадиган деганидир.

Имом Абу Ҳомид Ғаззолий айтганларки: «Одатда, бирорнинг гапини иккинчи кишига: «Фалончи сен ҳақингда бундоқ деди», дея етказувчи кимсага «чақимчи» дейилади. Бироқ чақимчилик шунинг ўзи билангина чекланиб қолмайди. Чақимчилик – очилиши кариҳ – саналган нарсани очишдир. Ёмон кўрувчи ким бўлишининг фарқи йўқ: гапиравчими, гапириловчими ёки гаплашувчими. У ёқимсиз нарса нима билан кашф қилиниши ҳам фарқисизdir: сўз биланми, ёзув биланми, ишора биланми ва ҳоказо. Чақимчилик қилинган – ташилган нарса сўз бўладими ёки амал бўладими, айб ёки бошқаси бўладими, барчаси баробардир».

Чақимчиликнинг моҳияти сирни фош қилиш ва кашф қилиниши кариҳ саналган нарсани эълон қилишдир. Инсон бошқа инсонлардан кўрган ҳар қандай нарсаси ҳақида гапиришдан тилини тишиши лозим. Гапирса, мусулмонларга фойдали ёки маъсиятни даф қиласиган нарсаларни айтиши мумкин.

Кимга бирор гап ташиб келиб: «Фалончи сен ҳақингда бундоқ деди», деса, у киши қўйидаги олтита ишни қилиши лозим:

- 1.** Уни тасдиқламаслик лозим. Чунки у чақимчи, фосиқ бўлиб, унинг гапи эътиборга олинмайди.
- 2.** Уни бу ишдан қайтариб, насиҳат қилиши ва бу ишни қоралаши лозим.

3. Уни Аллоҳ учун ёмон кўриши лозим. Зеро, у Аллоҳнинг ҳузурида манфур бўлиб, уни Аллоҳ учун ёмон кўриш вожибdir.

4. Гапирилаётган киши ҳақида ёмон гумонга бормаслиги лозим. Зеро, Қуръони каримда:

«Эй мўминлар, кўп гумон(лар)дан четланинглар! Чунки айрим гумон(лар) гуноҳдир!» дейилган (Ҳужурот сураси, 12-оят).

5. Эшитган гапи уни жосуслик қилишга ва гапнинг тагига етиш учун ҳаракат қилишга ундамаслиги лозим. Чунки юқоридаги оятнинг давомида: «(Ўзгаларнинг айблари ортидан) жосуслик қилиб юрманглар», дейилган.

6. Чақимчи келтирган гапларни бошқаларга етказмаслиги даркор.

Бир киши Умар ибн Абдулазиз розияллоҳу анҳуга бир одам ҳақида нимадир деди. Умар унга: «Эй сен, агар хоҳласанг, гапингни текшириб кўрамиз: борди-ю ёлғон гапирган бўлсанг, унда сен: **«Агар сизларга бир фосик кимса бирон ёмон хабар келтиrsa, (у хабарни) аниқлаб, текшириб кўринглар»**, деган оядаги фосиқлардан бўласан. Агар рост гапирган бўлсанг, унда сен «ғийбатчи-ю, гап ташувчи» кимсалардан бўласан. Хоҳласанг, афв қиласиз», деди. Шунда ҳалиги киши: «Афв айланг, эй Амирал мўминин. Энди сира бу ишга қайтмайман», деди.

Бир киши Соҳиб ибн Уббодга етим молини олишга ундовчи варақа кўтариб келди. Ҳолбуки, унинг мол-мулки кўп эди. У зот варақанинг орқа томонига: «Чақимчилик гарчи рост бўлса ҳам қабиҳ амалдир. Майитни Аллоҳ раҳмат қилсин, етимни ўнгласин, мол Аллоҳнинг инъоми, унга кўз олайтирувчини Аллоҳ лаънатласин», деб ёзди.

Ҳасан Басрий ҳазратлари айтганларки: «Ким сенга бир гапни етказса, билгинки, у сенинг гапингни ҳам бошқаларга етказади». «Ким сенга гап ташиса, сенинг гапингни бошқага ташийди», деган жумла одамлар орасида кенг ёйилган.

Ибн Муборак раҳимаҳуллоҳ: «Ҳароми (зинодан бўлган) бола гап яширмайди», деб чақимчилик қиласиган ҳар бир инсон ҳароми бўлиши мумкинлигига қуидаги оятни далил қилганлар:

«Қўпол ва булардан ташқари бенасаб - ҳароми кимсага итоат этманг!» (Қалам сураси, 13-оят).

Ривоят қилишларича, салафи солиҳинлардан бири биродарини зиёрат қилганида, биродари у зотга бошқа биродари ҳақида ёмон гапларни гапирибди. Шунда у зот: «Эй биродар, ғийбатни жуда чўзиб юбордингиз ва учта жиноят содир этдингиз: менга биродаримни ёмон кўрсатиб қўйдингиз, у билан қалбимни машғул қилдингиз ва ўзингизга бўлган ишончдан маҳрум қилдингиз», деган экан.

Бир киши Али ибн Ҳусайн розияллоҳу анхумога: «Фалончи сизни ҳақорат қилди ва сиз ҳақингизда бундок, бундоқ деди», деган экан, у зот: «Мени унинг олдига олиб бор», дебдилар. У ўзини ҳимоя қилса керак, деб ўйлабди. Ҳақорат қилган кишининг олдига етиб боришгач, у зот: «Эй биродар, агар мен ҳақимда гапирган гапинг ҳақ бўлса, Аллоҳ мени мағфират қилсин. Борди-ю мен ҳақимда гапирган гапинг нотўғри бўлса, Аллоҳ сени мағфират қилсин», деган эканлар.

Абу Лаҳабнинг хотини чақимчилик қилиб, гап ташиб юргани учун Қуръони каримда «ўтин орқалаган», деб васф қилинган. Чақимчилик адоватга сабаб бўлгани боис «ўтин», деб номланган. Маълумки, ўтин оловнинг алангаланишига сабаб бўлади.

Айтишларича, чақимчининг иши шайтоннинг ишидан ҳам заарлироқдир. Чунки шайтоннинг амали вассваса билан бўлса, чақимчининг амали бевосита бўлади.

«Гуноҳи кабиралар» китобидан